

元代農民戰爭史料彙編

下編

无代农民战争史料彙编

杨 讷 陈高华 编

下编

中
华
书
局

元代农民战争史料汇编

下 编

杨 讷 陈高华 编

•
中 华 书 局 出 版

(北京王府井大街 36 号)

新华书店北京发行所发行

北京顺义冠中印刷厂印刷

•
850×1168毫米 1/32·10⁹/4 印张·228千字

1985年12月第1版 1985年12月北京第1次印刷

印数 0,001—4,600册

统一书号: 11018·1359 定价: 2.10元

编辑说明

一、这部《元代农民战争史料汇编》分作上、中、下三编：上编包括的时间起自蒙古灭金（一二三四年），迄于元末农民战争爆发前夕（一三五〇年）；中编收录除朱元璋部以外元末各部起义队伍的资料；下编专辑朱元璋部资料。各编根据不同情况采用不同的体例。

二、本编资料分为传记、编年、散存资料三个部分，以《明史》卷一《太祖本纪》作为传记，将年月不可考或无法系年的资料归为散存资料。

三、朱元璋早期为郭子兴部属，渡江以后与徐寿辉、陈友谅、张士诚、方国珍、明玉珍部先后发生战争或接触，这些资料已收入中编，本编为了节省篇幅，不再收录。请读者在阅读本编时参看中编。

四、原书中的错字，少数作了改正，一般保持原样。括号内文字为编者所加，方括号内为增补性文字，圆括号内小字为注释性文字。

编者

一九八三年十一月

本编引用书目

共七十八种，内四十一种已见于上、中编，兹录三十七种。

国朝献征录 焦竑 影印本

皇明从信录 陈建 明万历刊本

新安文献志 程敏政 明万历刊本

弇州史料 王世贞 明万历刊本

稗史集传 徐显 影印元明善本丛书本

国史考异 潘怪章 功顺堂丛书本

翦胜野闻 徐祯卿 影印元明善本丛书本

七修类稿 郎瑛 中华书局一九五九年版

读书敏求记 钱曾 海山仙馆丛书本

皇明恩命世录 台北艺文印书馆影印正统道藏本

汉天师世家 台北艺文印书馆影印正统道藏本

秦景容先生事迹考 秦锡田 一九三三年铅印本

凤池吟稿 汪广洋 四库全书珍本三集

本编引用书目

白云集 唐桂芳 四库全书珍本四集

师山先生文集 郑玉 明嘉靖刊本

尚纲斋集 童冀 四库全书珍本

凤书 袁文新 明天启刊本

歙志 张涛 明万历刊本

嘉靖惟扬志 盛仪 上海古籍书店影印本

嘉靖宁国府志 李默 上海古籍书店影印本

嘉靖浦江志略 田琯 上海古籍书店影印本

隆庆仪真县志 申嘉瑞 上海古籍书店影印本

万历湖州府志 栗祁 原刊本

万历金华府志 王懋德 原刊本

万历休宁县志 李乔岱 原刊本

康熙东阳县志 胡启甲 原刊本

乾隆句容县志 曹袞先 原刊本

嘉庆芜湖县志 梁启让 原刊本

同治丽水县志 彭润章 原刊本

光緒婺源縣志 吳鸛 原刊本
光緒蘭溪縣志 秦簣 原刊本
光緒處州府志 潘紹治 原刊本
光緒青田縣志 雷銑 原刊本
光緒諸暨縣志 陳通聲 原刊本
重刊宜興縣志 阮升基 嘉慶二年刊本
浙江通志 嵇曾筠 一九三四年商務印書館影印本
續括蒼金石志 李遇孫 光緒元年刊本

目 录

朱元璋部

第一 传记

《明史》卷一《太祖本纪》一……………

第二 编年

一三二八——一三五四年(元天历元年——至正十四年)……………	一五
一三五五年(宋龙凤元年、元至正十五年)……………	三六
一三五六年(宋龙凤二年、元至正十六年)……………	五五
一三五七年(宋龙凤三年、元至正十七年)……………	六九
一三五八年(宋龙凤四年、元至正十八年)……………	九〇
一三五九年(宋龙凤五年、元至正十九年)……………	一三三
一三六〇年(宋龙凤六年、元至正二十年)……………	一四一
一三六一年(宋龙凤七年、元至正二十一年)……………	一五五
一三六二年(宋龙凤八年、元至正二十二年)……………	一六八

一三六三年(宋龙凤九年、元至正二十三年)	一九一
一三六四年(宋龙凤十年、元至正二十四年)	二〇〇
一三六五年(宋龙凤十一年、元至正二十五年)	二一七
一三六六年(宋龙凤十二年、元至正二十六年)	二四七
一三六七年(吴元年、元至正二十七年)	二六六
第三 散存资料	三三一
编后记	三三一

朱元璋部

第一 传记

《明史》卷一《太祖本纪》一

太祖开天行道肇纪立极大圣至神仁文义武俊德成功高皇帝，讳元璋，字国瑞，姓朱氏。先世家沛，徙句容，再徙泗州。父世珍，始徙濠州之钟离。生四子，太祖其季也。母陈氏。方娠，梦神授药一丸，置掌中有光，吞之寤，口余香气。及产，红光满室。自是，夜数有光起。邻里望见，惊以为火，辄奔救，至则无有。比长，姿貌雄杰，奇骨贯顶。志意廓然，人莫能测。

至正四年，旱蝗，大饥疫。太祖时年十七，父母兄相继歿，贫不克葬。里人刘继祖与之地，乃克葬，即凤阳陵也。太祖孤无所依，乃入皇觉寺为僧。逾月，游食合肥。道病，二紫衣人与俱，护视甚至。病已，失所在。凡历光、固、汝、颍诸州三年，复还寺。当是时，元政不纲，盗贼四起。刘福通奉韩山童假宋后起颍，徐寿辉僭帝号起蕲，李二、彭大、赵均用起徐，众各数万，并置将帅，杀吏，侵略郡县，而方国珍已先起海上。他盗拥兵据地，寇掠甚众。天下大乱。

十二年春二月，定远人郭子兴与其党孙德崖等起兵濠州。元将彻里不花憚不敢攻，而日俘良民以邀赏。太祖时年二十五，谋避兵，卜于神，去留皆不吉。乃曰：「得毋当举大事乎？」卜之吉，大喜，遂以闰三月甲戌朔入濠见子兴。子兴奇其状貌，留为亲兵。战辄胜。遂妻以所抚马公女，即高皇后也。子兴与德崖齟齬，太祖屡调护之。

秋九月，元兵复徐州，李二走死，彭大、赵均用奔濠，德崖等纳之。子兴礼大而易均用，均用怨之。德崖遂与谋，伺子兴出，执而械诸孙氏，将杀之。太祖方在淮北，闻难驰至，诉于彭大。大怒，呼兵以行，太祖亦甲而拥盾，发屋出子兴，破械，使人负以归，遂免。

是冬，元将贾鲁围濠。太祖与子兴力拒之。

十三年春，贾鲁死，围解。太祖收里中兵得七百人。子兴喜，署为镇抚。时彭、赵所部暴横，子兴弱，太祖度无足与共事，乃以兵属他将，独与徐达、汤和、费聚等南略定远。计降驴牌寨民兵三千，与俱东。夜袭元将张知院于横涧山，收其卒二万。道遇定远人李善长，与语大悦，遂与俱攻滁州，下之。

是年，张士诚据高邮，自称诚王。

十四年冬十月，元丞相脱脱大败士诚于高邮，分兵围六合。太祖曰：「六合破，滁且不免。」与耿再成军瓦梁垒，救之。力战，卫老弱还滁。元兵寻大至，攻滁，太祖设伏诱败之。然度元兵势盛且再至，乃还所获马，遣父老具牛酒谢元将曰：「守城备他盗耳，奈何舍巨寇戮良民。」元兵引去，城赖以完。脱脱既破士诚，军声大振，会中谗，遽解兵柄，江、淮乱益炽。

十五年春正月，子兴用太祖计，遣张天祐等拔和州，檄太祖总其军。太祖虑诸将不相下，秘其檄，期旦日会厅事。时席尚右，诸将先入，皆踞右，太祖故后至就左。比视事，剖决如流，众瞠目不能发一语，始稍稍屈。议分工甃城，期三日。太祖工竣，诸将皆后。于是始出檄，南面坐曰：「奉命总诸公兵，今甃城皆后期，如军法何。」诸将皆惶恐谢。乃搜军中所掠妇女纵还家，民大悦。元兵十万攻和，拒守三月，食且尽，而太子禕坚、枢密副使绊住马、民兵元帅陈埜先分屯新塘、高望、鸡笼山以绝饷道。太祖率众破之，元兵皆走渡江。三月，郭子兴卒。时刘福通迎立韩山童子林儿于亳，国号宋，建元龙凤。檄子兴子天叙为都元帅，张天祐、太祖为左右副元帅。太祖慨然曰：「大丈夫宁能受制于人耶。」遂不受。然念林儿势盛可倚借，乃用其年号以令军中。

夏四月，常遇春来归。五月，太祖谋渡江，无舟。会巢湖帅廖永安、俞通海以水军千艘来附，太祖大喜，往抚其众。而元中丞蛮子海牙扼铜城闸、马场河诸隘，巢湖舟师不得出。忽大雨，太祖喜曰：「天助我也。」遂乘水涨从小港纵舟还，因击海牙于峪溪口，大败之，遂定计渡江。诸将请直趋集庆。太祖曰：「取集庆必自采石始。采石重镇，守必固，牛渚前临大江，彼难为备，可必克也。」六月乙卯，乘风引帆，直达牛渚。常遇春先登，拔之。采石兵亦溃。缘江诸垒悉附。

诸将以和州饥，争取资粮谋归。太祖谓徐达曰：「渡江幸捷，若舍而归，江东非吾有也。」乃悉断舟缆，放急流中，谓诸将曰：「太平甚近，当与公等取之。」遂乘胜拔太平，执万户纳哈出。总管靳义赴水死，太祖曰「义士也」，礼葬之。揭榜禁剽掠。有卒违令，斩以徇，军中肃然。改路曰府。置太平兴国

翼元帅府，自领元帅事，召陶安参幕府事，李习为知府。时太平四面皆元兵。右丞阿鲁灰、中丞蛮子海牙等严师截姑孰口，陈桡先、水军帅康茂才以数万众攻城。太祖遣徐达、邓愈、汤和逆战，别将潜出其后，夹击之，擒桡先并降其众，阿鲁灰等引去。

秋九月，郭天叙、张天祐攻集庆，桡先叛，二人皆战死，于是子兴部将尽归太祖矣。桡先寻为民兵所杀，从子兆先收其众，屯方山，与海牙犄角以窥太平。

冬十二月壬子，释纳哈出北归。

十六年春二月丙子，大破海牙于采石。三月癸未，进攻集庆，擒兆先，降其众三万六千人，皆疑惧不自保。太祖择骁健者五百人人卫，解甲酣寝达旦，众心始安。庚寅，再败元兵于蒋山。元御史大夫福寿力战死之，蛮子海牙遁归张士诚，康茂才降。太祖入城，悉召官吏父老谕之曰：「元政渎扰，干戈蜂起，我来为民除乱耳，其各安堵如故。贤士吾礼用之，旧政不便者除之，吏毋贪暴殃吾民。」民乃大喜过望。改集庆路为应天府，辟夏煜、孙炎、杨宪等十余人，葬御史大夫福寿以旌其忠。

当时，元将定定扼镇江，别不华、杨仲英屯宁国，青衣军张明鉴据扬州，八思尔不花驻徽州，石抹宜孙守处州，其弟厚孙守婺州，宋伯颜不花守衢州，而池州已为徐寿辉将所据，张士诚自淮东陷平江，转掠浙西。太祖既定集庆，虑士诚、寿辉强，江左、浙右诸郡为所并，于是遣徐达攻镇江，拔之，定定战死。

夏六月，邓愈克广德。

秋七月己卯，诸将奉太祖为吴国公。置江南行中书省，自总省事，置僚佐。貽书张士诚，士诚不报，引兵攻镇江。徐达败之，进围常州，不下。九月戊寅，如镇江，谒孔子庙。遣儒士告谕父老，劝农桑，寻还应天。

十七年春二月，耿炳文克长兴。三月，徐达克常州。

夏四月丁卯，自将攻宁国，取之，别不华降。五月，上元、宁国、句容献瑞麦。六月，赵继祖克江阴。秋七月，徐达克常熟。胡大海克徽州，八思尔不花遁。

冬十月，常遇春克池州，缪大亨克扬州，张明鉴降。十二月己丑，释囚。是年，徐寿辉将明玉珍据重庆路。

十八年春二月乙亥，以康茂才为营田使。三月己酉，录囚。邓愈克建德路。

夏四月，徐寿辉将陈友谅遣赵普胜陷池州。是月，友谅据龙兴路。五月，刘福通破汴梁，迎韩林儿都之。初，福通遣将分道四出，破山东，寇秦、晋，掠幽、蓟，中原大乱，太祖故得次第略定江表。所过不杀，收召才俊，由是人心日附。

冬十二月，胡大海攻婺州，久不下，太祖自将往击之。石抹宜孙遣将率车师由松溪来援，太祖曰：「道狭，车战适取败耳。」命胡德济迎战于梅花门，大破之，婺州降，执厚孙。先一日，城中人望见城西五色云如车盖，以为异，及是乃知为太祖驻兵地。入城，发粟振贫民，改州为宁越府。辟范祖干、叶仪、许元等十三人，分直讲经史。戊子，遣使招谕方国珍。

十九年春正月乙巳，太祖谋取浙东未下诸路。戒诸将曰：「克城以武，勘乱以仁。吾比入集庆，秋毫无犯，故一举而定。每闻诸将得一城不妄杀，辄喜不自胜。夫师行如火，不戢将燎原。为将能以不杀为武，岂惟国家之利，子孙实受其福。」庚申，胡大海克诸暨。是月，命宁越知府王宗显立郡学。三月甲午，赦大逆以下。丁巳，方国珍以温、台、庆元来献，遣其子关为质，不受。

夏四月，俞通海等复池州。时耿炳文守长兴，吴良守江阴，汤和守常州，皆数败士诚兵。太祖以故久留宁越，徇浙东。六月壬戌，还应天。

秋八月，元察罕帖木儿复汴梁，福通以林儿退保安丰。九月，常遇春克衢州，擒宋伯颜不花。冬十月，遣夏煜授方国珍行省平章，国珍以疾辞。十一月壬寅，胡大海克处州，石抹宜孙遁。时元守兵单弱，且闻中原乱，人心离散，以故江左、浙右诸郡，兵至皆下，遂西与友谅邻。

二十年春二月，元福建行省参政袁天禄以福宁降。三月戊子，征刘基、宋濂、章溢、叶琛至。

夏五月，徐达、常遇春败陈友谅于池州。闰月丙辰，友谅陷太平，守将朱文逊，院判花云、王鼎，知府许瑗死之。未几，友谅弑其主徐寿辉，自称皇帝，国号汉，尽有江西、湖广地。约士诚合攻应天，应天大震。诸将议先复太平以牵之，太祖曰：「不可。彼居上游，舟师十倍于我，猝难复也。」或请自将迎击，太祖曰：「不可。彼以偏师缀我，而全军趋金陵，顺流半日可达，吾步骑急难引还，百里趋战，兵法所忌，非策也。」乃驰谕胡大海捣信州牵其后，而令康茂才以书给友谅，令速来。友谅果引兵东。于是常遇春伏石灰山，徐达阵南门外，杨璟屯大胜港，张德胜等以舟师出龙江关，太祖亲督军卢龙山。乙丑，友谅

至龙湾，众欲战，太祖曰：「天且雨，趣食，乘雨击之。」须臾，果大雨，士卒竞奋，雨止合战，水陆夹击，大破之。友谅乘别舸走。遂复太平，下安庆，而大海亦克信州。

初，太祖令茂才给友谅，李善长以为疑。太祖曰：「二寇合，吾首尾受敌，惟速其来而先破之，则士诚胆落矣。」已而士诚兵竟不出。丁卯，置儒学提举司，以宋濂为提举，遣子标受经学。六月，耿再成败石抹宜孙于庆元，宜孙战死，遣使祭之。

秋九月，徐寿辉旧将欧普祥以袁州降。

冬十二月，复遣夏煜以书谕国珍。

二十一年春二月甲申，立盐茶课。己亥，置宝源局。三月丁丑，改枢密院为大都督府。元将薛显以泗州降。戊寅，国珍遣使来谢，饰金玉马鞍以献。却之曰：「今有事四方，所需者人材，所用者粟帛，宝玩非所好也。」

秋七月，友谅将张定边陷安庆。八月，遣使于元平章察罕帖木儿。时察罕平山东，降田丰，军声大振，故太祖与通好。会察罕方攻益都未下，太祖乃自将舟师征陈友谅。戊戌，克安庆，友谅将丁普郎、傅友德迎降。壬寅，次湖口，追败友谅于江州，克其城，友谅奔武昌。分徇南康、建昌、饶、蕲、黄、广济皆下。

冬十一月己未，克抚州。

二十二年春正月，友谅江西行省丞相胡廷瑞以龙兴降。乙卯，如龙兴，改为洪都府。谒孔子庙。

告谕父老，除陈氏苛政，罢诸军需，存恤贫无告者，民大悦。袁、瑞、临江、吉安相继下。二月，还应天。邓愈留守洪都。癸未，降人蒋英杀金华守将胡大海，郎中王恺死之，英叛降张士诚。处州降人李祐之闻变，亦杀行枢密院判耿再成反，都事孙炎、知府王道同、元帅朱文刚死之。三月癸亥，降人祝宗、康泰反，陷洪都，邓愈走应天，知府叶琛、都事万思诚死之。是月，明玉珍称帝于重庆，国号夏。

夏四月己卯，邵荣复处州。甲午，徐达复洪都。五月丙午，朱文正、赵德胜、邓愈镇洪都。六月戊寅，察罕以书来报，留我使人不遣。察罕寻为田丰所杀。

秋七月丙辰，平章邵荣、参政赵继祖谋逆，伏诛。

冬十二月，元遣尚书张昶航海至庆元，授太祖江西行省平章政事，不受。察罕子扩廓帖木儿致书归使者。

二十三年春正月丙寅，遣汪河报之。二月壬申，命将士屯田积谷。是月，友谅将张定边陷饶州。士诚将吕珍破安丰，杀刘福通。三月辛丑，太祖自将救安丰，珍败走，以韩林儿归滁州，乃还应天。

夏四月壬戌，友谅大举兵围洪都。乙丑，诸全守将谢再兴叛，附于士诚。五月，筑礼贤馆。友谅分兵陷吉安，参政刘齐、知府朱叔华死之。陷临江，同知赵天麟死之。陷无为州，知州董曾死之。

秋七月癸酉，太祖自将救洪都。癸未，次湖口，先伏兵泾江口及南湖嘴，遏友谅归路，檄信州兵守武阳渡。友谅闻太祖至，解围，逆战于鄱阳湖。友谅兵号六十万，联巨舟为阵，楼橹高十余丈，绵亘数十里，旌旗戈盾，望之如山。丁亥，遇于康郎山，太祖分军十一队以御之。戊子，合战，徐达击其前锋，